



STATE OF WASHINGTON  
DEPARTMENT OF SOCIAL AND HEALTH SERVICES  
DIVISION OF CHILD SUPPORT (DCS)

**WARKA FULINTA TAAGEERO AAN GARGAARKA DAWLADDA AHAYN**  
NONASSISTANCE SUPPORT ENFORCEMENT INFORMATION  
(RCW 34.05 IYO RCW 74.20A)

**DADKA U KHUSEEYO AMARKA TAAGEERADU**

Dadka u khuseeyo amarka taageerada (masruufka) ee adiga kuu soo baxay waxa ku jira waalidka aan ilmaha haynin iyo waalidka ilmaha haya ama hayaha dhabta ah. Waalidka ilmo-ma-hayaha ahi waa qofka laga rabo inuu bixiyo taageero ama masruuf. Waalidka ilmo-hayaha ah ama hayaha dhabta ahi waa qofka ay caruurtu caadi ahaan la nool yihiin.

**QAYBTA TAAGEERADA ILMAHA**

Qaybta Taageerada Ilmaha (Division of Child Support) (DCS) xaruntooda dhexe waxay ku taalla magaalada Olympia, waxana ay leedahay sagaal xafiis oo ku baahsan gobolka. DCS waxay maamushaa fulisaana kiisaska ama dacwadaha ku saabsan masruufka ama taageerada ilmaha. Si DCS ay hirgaliso amar taageero oo aad haysatid, waa in labada qof ee u khuseeyo amarka taageeradu mid ka mid ahi si qoraal ah u soo codsado adeegyada fulinta taageerada. Ka dib marka la helo codsigaaga adeeg, DCS waxay kiiskaaga u xilsaari doontaa sarkaal xafiis jooga oo masuul ka ah aagga u ku nool yahay waalidka ilmo-ma-hayaha ah.

Haddii amarkaaga taageero u qasbayo in lacag-bixintu soo marto Diiwaanka Taageerada ee Gobolka Washington (Washington State Support Registry) (eeg qaybta soo socota) laakiin DCS aanay helin codsi adeeg, waxay DCS markaa kuu furi doonta kiis ah Adeegyo Lacag-bixin Kaliya (Payment Services Only) (PSO). Kiisaska ah PSO waxay DCS u qabataa kaliya adeegyo ah ka-shaqeynta lacag-bixinta iyo diiwaangalinta.

**DIIWAANKA TAAGEERADA EE GOBOLKA WASHINGTON**

Diiwaanka Taageerada ee Gobolka Washington (Washington State Support Registry) (WSSR) waa qayb ka tirsan DCS oo diiwaangalisa isla markaana bixisa lacagaha masruufka ama taageerada. Waxay DCS amarkaaga taageerada galin doontaa diiwaanka WSSR marka labadan wax mid jiro:

1. Labada qof ee arrinta amarka taageeradu ka dhixeyyo ayaa mid DCS ka cadsaday adeegyada fulinta taageerada.
2. Amarkaaga taageeradu wuxu qorayaa in waalidka ilmo-ma-hayaha ahi taageerada u bixinayo soo mariyo WSSR.

**WAKIILNIMO**

DCS iyo dhamaan xafiisyada Xeer-ilaaliyaha Guud (Attorney General) iyo xafiisyada Xeer-ilaaliyaha Eedeynta (Prosecuting Attorney) ee la shaqeyya DCS waxay wakiil ka yihiin Wasaaradda Adeegyada Bulshada iyo Caafimaadka (Department of Social and Health Services). Xafiisyadaasi labada qof ee amarkaaga taageeradu ka dhixeyyo midna wakiil kama aha.

**SHURUUDDA U TAALLA HELITAANKA ADEEGYADA FULINTA TAAGEERADA  
AAN GARGAARKA DAWLADDA AHAYN**

Haddii ilmaha aad u codsanaysid adeegyada fulinta taageerada ay qaataan gargaarka dawladda (public assistance) ee Gobolka Washington, waxa jirta in imminkaba ay DCS ku siiso adeegyadeeda.

Haddii aanad sharci u haysan haynta ilmaha aad u codsanaysid adeegyada fulinta taageerada, waa inaad cadeysid inaanad ilmaha si sharci-daro ah uga haysan qofka ah ilmo-hayaha sharciga ah.

**DHAGEYSIYO**

Labada qof ee u khuseeyo amarkaaga taageeradu labaduba waxay ka qaybgali karaan dhageysi maxkamadeed kasta oo hoos yimaada Sharciga 34.05 RCW ee khuseeya amarkaaga taageerada. Labada qof mid kastaa qof ahaan ayuu dhageysiga u iman karaa ama teleefonka ayuu uga qaybgali karaa. Dhageysiyadu waxay saameyn karaa taageeradaada. Haddii aanad ka soo qaybgalin dhageysiga, waxa dhici karta in Xaakin Sharci Maamul (Administrative Law Judge) u aqbalo codsi kasta oo ay DCS cadsato ama u cadsado qofka kale ee u idinka dhixeyyo amarka masruufku iyadoo aan ogeysiis kale lagu siin. Waxa dhici karta inaad u baahatid qareen ama looyar kuu dooda maalinta dhageysiga.

## WAR QABIILADA LOOGU TALOGALAY

Haddii aan DCS iyo qabiilka aan heshiis ka dhexaynin, adeegyada fulinta iyo hababka lacag soo-ururinta ee ku taxan warqadan ma khuseeyaan shaqaalaha u shaqeeya qabiilo, shirkad u qabiil leeyahay, ama ganaci ay Hindida Maraynkuu leeyihin oo ku yaalla xero. Haddii waalidka ilmo-ma-hayaha ahi u shaqeeyo qabiil Hindida Maraynkuu ah, shirkad u qabiil leeyahay, ama ganaci ay Hindida Maraynkuu leeyihin oo ku yaalla xero, DCS:

1. Waxay weydiin kartaa qabiilka inay fuliyaan amarkaaga taageerada. DCS waxa kaliya ee ay taa sameyn doontaa haddii Gobolka Washington iyo qabiilku leeyihin heshiis taa sameynteeda u saamaxaya.
2. Waxay dacwad ka xerayn kartaa maxkamadda qabiilka si loo fuliyo amarkaaga taageerada. Haddii DCS ay dacwad ka xerayso maxkamad qabiil, waxay DCS isticmaali doontaa hababka lagu cadeeyay heshiisyada Gobolka Washington iyo qabiilka Hindida Maraynkuu ama waxay isticmaali kartaa hababka maxkamadda qabiilka leeyahay.

Waxay DCS kiiskaaga u xilsaari kartaa xafiis sharci-fulin u qabiil leeyahay haddii labadan arrimood midi ay kiiskaaga qabanayo.

1. Labada qof ee u ka dhexeyyo amarka taageerada ama ilmahaaga ayaa ka tirsan qabiil Hindida Maraynkuu ah.
2. Waalidka ilmo-ma-hayaha ah ayaa u shaqeeya qabiil Hindida Maraynkuu ah, shirkad u qabiil leeyahay, ama ganaci ay Hindida Maraynkuu leeyihin oo ku yaalla xero.

## ADEEGYADA FULINTA TAAGEERADA

Haddii aad haysatid amar taageero oo qoraya qadarka lacagta taageerada, DCS waxay isku dayi doontaa inay lacagtaa soo ururiso. Marraka qaarkood, DCS waxa laga rabaa inay ogeysiis farta ka saarto labada qof ee amarka taageeradu khuseeyo ka hor intaan hawsha lacag soo-ururinta la bilaabin.

Haddii aanad haysan amar taageero ama haddii amarkaaga taageeradu aanu ka hadlaynin taageerada ilmaha iyo taageerada caafimaadka labada, DCS waxay ogeysiis farta ka saari doontaa labada qof ee u khuseeyo amarka taageeradu. Waxay DCS ogeysiiska ku qori doonta qadarka lacagta taageerada ilmaha iyo taageerada caafimaadka hadba sida loo baahdo. DCS waxay qadarka taageerada ku salayn doontaa isku-darka dakhliga labada qof iyo tirada caruurta jirta. Qadarka taageerada caafimaadku kama badnaan karo boqolkiba 25 lacagta taageerada ilmaha ee aasaaska ah.

Haddii amarkaaga taageeradu aanu qoraynin qadar go'an oo ah taageero, DCS waxay labada qof ee amarkaagu khuseeyo farta ka saari doontaa **Ogeysiiska Taageerada Qofka Lagu Yeeshay (Notice of Support Owed)**.

1. Ogeysiiskan waxay DCS ku qori doontaa qadar taageero oo go'an. Mid kastoo ka mid ah labada qof ee amarkaaga taageeradu khuseeyo wuxu codsan karaa dhageysi si uu uga dodo qadarka taageerada ee ay DCS go'aamisay.
2. DCS waxay isku dayi doontaa in laba qof ee u khuseeyo amarka taageeradu ay labadada kala heshiiso qadarka taageerada.

Marka qadar taageero la go'aamiyo, isla markaana ay DCS garanayso shirkadda uu waalidka ilmo-ma-hayaha ahi u shaqeeyo, DCS waxay shirkadda qofku u shaqeeyo u gudbin doontaa **Amalka/Ogeysiiska Ka-Jaridda Lacag Taageero Ilmo (Order/Notice to Withhold Income for Child Support)**. Ogeysiiskaasi wuxu shirkadda ama shaqo-bixiyaha ku qasbayaa inuu mushaharka ama dakhliga waalidka ilmo-ma-hayaha ah ka jaro lacaga taageerada. Haddii DCS aanay garanaynin shirkadda ama meesha u waalidka ilmo-ma-hayaha ahi ka shaqeeyo, DCS waxa isku dayi doontaa inay hesho illaha mushahar ama dakhli ka dibna waxay isku dayi doontaa inay masruufka ama taageerada kuu soo ururiso.

Haddii aad ilmaha u haysid caymis (inshuuranis) caafimaad isla markaana aanad doonaynin in DCS ay go'aamiso ama fuliso bixinta taageerada caafimaadka, waa inaad taa qoraal ahaan DCS ugu soo sheegtid. Haddii aanad sidaa yeellin, DCS waxay qaadi doonta mid ka mid ah talaabooyinka hoos ku taxan.

1. Haddii aad haysatid amar taageero oo qoraya in waalidka ilmo-ma-hayaha ahi bixiyo caymiska ama inshuuraniska caafimaadka ee ilmahaaga, DCS waxay isku dayi doontaa in la fuliyo amarka taageerada caafimaadka.
2. Haddii aad haysatid amar taageero oo aan qoraynin in waalidka ilmo-ma-hayaha ahi bixiyo caymiska ama inshuuraniska caafimaadka ee ilmahaaga, DCS waxay isku dayi doontaa in wax laga bedelo amarkaaga taageerada.
3. Haddii aanad haysan amar taageero, DCS waxay ogeysiiska lagu go'aaminayo qadarka taageerada ku soo dari doontaa qodob ku amraya waalidka ilmo-ma-hayaha ah inuu bixiyo caymiska ama inshuuraniska caafimaadka ee ilmahaaga.

Haddii adiga ama qofka kale ee amarka taageero khuseeyo aananaydun marna is guursan, isla markaana ay jiraan waxyabahan:

1. Aabuhu ma saxeexin **Ogalaanshaha Aabinimada (Paternity Affidavit)**, sidaa daraadeedna waa in maxkamad gobol ama qabil go'aan ka gaadho qofka u yahay aabaha sharciga ah ee ilmaha. Waxay DCS u gudbinta doontaa kiiska xeer-ilaaliyaha eedeynta, ama Xeer-ilaaliyaha Guud xafiiskiisa si talaabo loo qaado.
2. Aabuhu wuu saxeexay waana u xereeyay **Ogalaanshaha Aabinimada (Paternity Affidavit)**, sidaa daraadeed DCS waxay soo heli karta amar taageero iyadoon maxkamadi talaabo qaadin.

Haddii qofka kale ee u khuseeyo amarkaaga taageeradu u DCS ka codsado inay sidaa sameyso, DCS waxay bixin kartaa adeegyo fulin taageero oo buuxa xiitaa haddii aanad adigu doonayn.

Haddii labada qof ee amarka taageeradu khuseeyo aan midna ku noolayn Gobolka Washington, DCS waxay bixin doontaa adeegyada fulinta taageerada haddii labadan arrimood ee soo socdaa ay labaduba run yihiin:

1. Labada qof ee u khuseeyo amarkaaga taageeradu midna kama helo adeegyada fulinta taageero gobol kale.
2. Waalidka ilmo-ma-hayaha ahi wuxu xidhiidh la leeyahay Gobolka Washington. Xidhiidhkaa waxa ku jira mushahar ka soo gala shirkado ka shaqeysta Washington, ama maal ku leh Washington, iwm. Waa in waalidka ilmo-ma-hayaha ahi u Gobolka Washington la leeyahay xidhiidh ku filan inay DCS ogalaansho u hesho inay ka soo ururiso taageerada ama masruufka.

Haddii waalidka ilmo-ma-hayaha ahi ku nool yahay gobol kale isla markaana aanuu xidhiidh la lahayn Gobolka Washington, adiguna aad ku nooshahay Gobolka Washington, DCS waxay sameyn kartaa mid ka mid ah waxyabaha soo socda.

1. Waxay isku dayi kartaa in amar maxkamadeed loo helo lacagta taageeradana la soo ururiyo iyadoo la isticmaalayo Sharciga Gobolka Washington.
2. Waxay gobolka u ku nool yahay waalidka ilmo-ma-hayaha ahi weydiisan kartaa inuu soo ururiyo taageerada. Gobolka kale wuxu adeegsan doonaa sharcigooda.
3. Waxay kiiska u gudbin kartaa xeer-ilaaliye eedeynta si talaabo sharci loo qaado.

DCS waxay qadarka laga bixinayo lacagta wakhtigeeda la soo dhaafay ku salaysaa ama ku soo saartaa tuse (jadwal) tartiib iska-bixin dayn ama waxay ku salaysaa qadar ku qoran amarkaaga taageerada. Marraka qaarkood waalidka ilmo-ma-hayaha ahi iskama bixin karo hal mar lacagta ku qoran tusaha (jadwalka) tartiib iska-bixin dayn. Marraka taasi dhacdo, wuxu waalidka ilmo-ma-hayaha ahi sameysan karaa heshiis u ku bixinayo taageerada iminka laga rabo isla markaana wuxu hadba in yar iska bixin karaa lacagta taageerada ee wakhtigueedii la soo dhaafay. Xaq uma lihid inaad diido qadarka aad ka bixinaysid taageerada wakhtigueedii la soo dhaafay ee ay DCS kuu dajiso.

Haddii aad haysatid amar taageero oo DCS u ogalaanaya inay fuliso **Amarka/Ogeysiiska Ka-Jaridda Lacag Taageero Ilmo (Order/Notice to Withhold Income for Child Support)**, DCS waxay warqadda amarka farta ka saari doontaa shirkadda u ka shaqeeyo waalidka ilmo-ma-hayaha ahi (haddii la yaqaano).

Haddii aad haysatid amar taageero aan DCS u ogalaanayn inay fuliso **Amarka/Ogeysiiska Ka-Jaridda Lacag Taageero Ilmo (Order/Notice to Withhold Income for Child Support)**, DCS waxay waalidka ilmo-ma-hayaha ah farta ka saari doontaa **Ogeysiiska Daynta Taageerada iyo Codsiga Lacag-bixinta (Notice of Support Debt and Demand for Payment)**. **Ogeysiiska Daynta Taageerada iyo Codsiga Lacag-bixintu (Notice of Support Debt and Demand for Payment)** wuxu qorayaa qadarka taageerada ee la rabo waxana u DCS amar u siinayaa inay fuliso **Amarka/Ogeysiiska Ka-Jaridda Lacag Taageero Ilmo (Order/Notice to Withhold Income for Child Support)**.

1. Haddii aad tahay qof lacag-siinta maxkamadi u soo xukuntay, DCS waxay kuu soo diri doontaa koobiga ogeysiiska sheegaya qadarka taageerada ama masruufka lagu siin doono. Haddii aanad helin koobiga ama aanad raali ka ahayn qadarka ku qoran ogeysiiska, waxa aad codsan kartaa dhageysi.
2. Waalidka ilmo-ma-hayaha ahi wuxu codsan karaa Shir Guddi (Conference Board) (oo ah shir aan maxkamad ahayn) si uu uga doodo shuruudaha ogeysiiska ee ka hadlaya qadarka taageerada ama masruufka laga rabo. Waad iman karta kana qaybgali kartaa Shirka Guddida.
3. Haddii aad codsatid dhageysi isla markaana u waalidka ilmo-ma-hayaha ahi codsado Shir Guddi, waxa aad go'aan ka gaadhi kartaa in laguu qabto dhageysi ama Shir Guddi.

Marka ay jirto talaabo kasta oo ah dajin, fulin, ama wax-ka-bedelid amar taageero, DCS waxa u suurogal ah inay ogeysiisyo qoran farta ka saarto cidda amarku khuseeyo iyadoo ogeysiiska lagu soo dirayo boosta habkeeda dirista safka hore (first class mail). DCS waxay ogeysiis yadaa keeni kartaa adreesyadii ugu dambeeyay ee lagu ogaa cidda arrintu khuseeyo. Haddii DCS ay ogeysiis farta kaa saarto, waxa dhici karta inuu noqdo amar kama-dambeyn ah oo aan ogeysiis kale lagu siin. Waxa dhici karta in Xaakin Sharci Maamul (Administrative Law Judge) si toos ah u aqbalo codsi wax-ka-bedelid amar taageero haddii qofku ka maqnaado dhageysiga wax-ka-bedelidda. Waxay taasi dhacaysaa xiitaa haddii DCS aanay xaqiijin in qofka maqnaaday u si dhab ah u helay ogeysiiska dhageysiga lagu soo diray boosta habkeeda dirista safka hore ee soo lagu hagaajiyyat adreeskii ugu dambeeyay ee qofka lagu ogaa.

DCS suurogal uma aha inay ilmahaga u soo saarto ama u fuliso sharci ah haynta ilmaha ama booqasho.

## ADEEGYADA SOO-URURINTA

DCS waxay isku dayi doontaa:

1. Inay soo ururiso taageerada wakhtigeedu joogo iyo ta wakhtigeedii la soo dhaafay (haddii ay jirto).
  - DCS waxay gali kartaa heshiis ku-meel-gaadhsii ah oo waalidka ilmo-ma-hayaha ah u ogalaanaya inuu bixiyo in ka yar qadarka taageerada wakhtigeedu joogo ee bishii laga rabo ee ku qoran amarkaaga taageerada. DCS waxay barnaamijkan isticmaashaa kaliya marka waalidka ilmo-ma-hayaha ahi aanuu si buuxda iskaga bixin karin qadarka taageerada wakhtigeedu joogo ee laga rabo isla markaana u ka qaygalayo barnaamij tababar shaqo oo laga aqbali karo. Qofka lacag-bixintiisu waxay korodhaa wakhti dambe si DCS ay suurogal ugu noqoto inay soo ururiso taageerada wakhtigeedu joogo iyo ta wakhtigeedii la soo dhaafay.
2. Inay soo ururiso dulsaarka fuula taageerada wakhtigeedii la soo dhaafay. DCS waxay sidaa sameyn doontaa kaliya haddii aad haysatid amar taageero ama xukun maxkamad qabii oo sheegaya isku-darka qadarka dulsaarka biiray.
3. Inay soo ururiso kharashka daryeelka sii-haynta ilmaha, haddii amarkaaga taageeradu sidaa qorayo.
4. Inay soo ururiso taageerada xaaska/ninka (masruuf) haddii amarkaaga taageeradu sidaa qorayo. DCS ma go'aamiso qadarka taageerada xaaska/ninka.
5. Inay fuliso shuruudda taageerada caafimaadka. DCS ma soo ururin doonto kharashka caafimaadka aan caymis (inshuurani) lahayn adigoo haysta xukun maxkamad qabii oo si cad oo tiro doolar ah u sheegaya kharashka mooyaane.
6. Inay fuliso taageerada waxbarashada dugsiga sare ka dambeysa ee loogu talogalay caruurga sii wadata waxbarashadooda ka dib marka ay dhameeyaan dugsiga sare. Wawa kaliya ee amri kara taageerada noocan oo kale ah waa maxkamad qabii oo gobolka ku taalla. DCS ma soo saarto amarka taageerada noocan oo kale ah.

Lagaama rabo inaad DCS ka codsatid inay talaabo ka qaado arrimaha ku taxan qaybtan. DCS waxay hadba wax u qabataa sida kiiskaagu qorayo. Hase yeeshi, waxa dhici karta inaad soo heshid war cusub ka oo DCS ka caawin doona inay soo ururiso lacagta taageeradaada. Haddii aad war haysid, waa inaad u soo sheegtid DCS. Warkan soo socda ku soo dar dhamaan waraaqaha aad u soo diraysid DCS.

1. Magacaaga, adreeskaaga, lambarka teleefonkaaga, iyo lambarka kiiskaaga.
2. Magaca waalidka ilmo-ma-hayaha ah iyo lambarkiisa sugidda (sooshiyalka) (haddii la yaqaano).

### KA-JARIDDA LACAGTA KA SOO NOQOTA CASHUURTA FEDERALKA

Haddii DCS ay taqaano lambarka sugidda (sooshiyalka) ee waalidka ilmo-ma-hayaha ah, kiiskaaguna u ka soo baxayo dhamaan qodobada soo socda, DCS waxay warkaa u ogeysiin doontaa Adeegga Cashuuraha Gudaha (Internal Revenue Service) (IRS) haddii waalidka ilmo-ma-hayaha ah lagu leeyahay taageero wakhtigeedii la soo dhaafay. Adeegga Cashuuraha Guduuhu (IRS) wuxu u soo diraa DCS lacagta waalidka ilmo-ma-hayaha ah uga soo noqota cashuurta si loogu bixiyo daynta taageerada ah ee wakhtigeedii la soo dhaafay.

1. Amar taageero ayaa qoraya daynta taageerada ah ee wakhtigeedii la soo dhaafay.
2. Waalidka ilmo-ma-hayaha ah waxa lagu leeyahay dayn taageero ah oo wakhtigeedii la soo dhaafay oo ah \$500 ama ka badan, isla markaana waxa laga rabaa inuu bixiyo taageerada wakhtigeedu joogo 31 Bisha Laba iyo Tobnaad ee sannadkii la soo dhaafay. Haddii DCS aanay soo saari karin isku-darka taageerada qofka lagu yeeshay ee wakhtigeedii la soo dhaafay, waxay DCS daynta ku soo koobi kartaa qadarka biiray ilaa wakhtigii ay DCS aqbashay kiiskaaga.
3. Ilmahaagu may qaangaadhin 31 Bisha Laba iyo Tobnaad ee sannadka la soo dhaafay.

Haddii aad qaadatay gargaarka dawladda wakhtigii la soo dhaafay, DCS waxay lacagta ay soo celiso IRS u isticmaali doontaa marka hore in lagu bixiyo daynta Gobolka Washington u ku yeeshay qofka.

Haddii waalidka ilmo-ma-hayaha ahi u si wada-jir ah qof kale ula xeraystay codsiga noqodka cashuurta (tax return), DCS waxay haysan kartaa lacagta cashuurta ka soo noqota lix bilood ka hor intaanay lacagta kuu soo dirin. DCS waxay lacagta cashuurta ka soo noqota u haysan kartaa si qofka kale ee u noqodka cashuurta khuseeyo loogu saamaxo inuu sheegto qaybta u ku leeyahay lacagta cashuurta ka soo noqota.

### KALA QAYBINTA LACAGTA

Waxa jira sharci federal iyo gobol oo loogu talogalay kala qaybinta lacagaha taageerada. DCS waxay isticmaali doontaa taariikhda helitaanka lacagaha si ay go'aan uga gaadho sida loo bixinayo lacagta taageerada. Labada qof ee u khuseeyo amarka taageeradu midna ma dooran karo lacagta mudada lagu dabiqi doono.

1. DCS wixi lacag ay hesho bil kasta waxay ku dabiqi doontaa lacagta taageerada ah ee bishaa wakhtigeedu soo galay.
  2. Ka dib marka DCS ay lacag ku dabaqdo taageerada wakhtigeedu joogo, waxay DCS ku dabiqi doontaa wixii lacag dheeraad ah taageerada wakhtigeedii la soo dhaafay.
  3. Haddii dhawr qoys ay waalidka ilmo-ma-hayaha ah ku leeyihii taageerada wakhtigeedu joogo, DCS waxay ku dabiqi doontaa lacagta la hayo dhamaan kiisaska taageerada ee wakhtigoodu joogo ka hor intaan wax lacag ah lagu dabiqin taageerada wakhtigeedii la soo dhaafay. Labada qof ee u khuseeyo amarka taageeradu midna go'aan kama gaadhi karo sida ay DCS u kala qaybinayo lacagaha.
- Sharciga sare ku qorani wuxu leeyahay hal ka-reebitaan. Waalidka ilmo-ma-hayaha ahi wuxu sheegi karaa sida lacagta loo kala qaybinayo marka ay jiraan kiisaska ah Adeegyada Lacag-bixinta Kaliya (Payment Services Only) (PSO). PSO waxa loola jeedaa kiisaska ay DCS u qabato shaqo ah diiwaangalin iyo lacag qaybin laakiin aanay u hirgalin ama u fulin amar taageero.

DCS waxay kuu soo diri doontaa lacagaha taageerada ee wakhtigoodu joogo. Waxa aad filan kartaa inaad lacag heshid 3 ilaa 5 cisho ka dib marka ay DCS hesho lacag. Haddii aad dooratid lacag-shubis toos ah, DCS waxay lacagaha si toos ah kuugu shubi doontaa xisaabtaada bangiga iyadoo la isticmaalayo Lacag Wareejinta Elegtarooniga ah (Electronic Funds Transfer) (EFT). Haddii aanad sameysan lacag-shubista tooska ah oo aad doonaysid inaad sameysatid, soo wac teleefonka EFT ee ku qoran bogga 6.

Waxa dhici karta in lacagaha taageerada ah ee wakhtigoodii la soo dhaafay adiga lagu siiyo ama aan lagu siin.

1. Haddii adiga iyo ilmahaagu aanaydun marna qaadan gargaarka dawladda, DCS lacagta way kuu soo diri doontaa.
2. Haddii aad qaadatay lacagta gargaarka dawladda isla markaana aanay jirin dayn gobol laga galay, DCS lacagta way kuu soo diri doontaa.
3. Haddii aad qaadatay lacagta gargaarka dawladda wakhti la soo dhaafay, DCS waxay u kala qaybin doontaa sidatan wixii ah lacag taageero wakhtigeedii la soo dhaafay oo la helay:
  - a. Wixii laga helo illo kale oo aan ahay IRS waxa loo qaybin sidatan:
    - (1) Marka hore, waxa lagu bixin taageerada (masruufka) wakhigeedii la soo dhaafay ee aad yeelatay ka dib markii aad joojisay qaadashada lacagta gargaarka dawladda.
    - (2) Marka labaad, waxa lagu bixin taageerada wakhtigeedii la soo dhaafay ee la yeeshay ka hor intaanad qaadan lacagta gargaarka dawladda (haddii aad qaadatay gargaarka dawladda wakhti ku aadan ama ka dambeeyay 1-dii Bishii Tobnaad 1997). Waxay DCS u haysan doontaa lacagaha si dawladda gobolka iyo federalka loogu celiyo lacagtii gargaarka dawladda ee adiga lagu siiyay.
    - (3) Marka saddexaad, waxa lagu bixin taageerada wakhtigeedii la soo dhaafay ee la yeeshay mudadii aad qaadanaysay lacagta gargaarka dawladda iyo/ama mudadii ka horeysay intaanad qaadan lacagta gargaarka dawladda (haddii aad qaadatay gargaarka dawladda ka hor 1-dii Bishii Tobnaad 1997). Waxay DCS u haysan doontaa lacagaha si dawladda gobolka iyo federalka loogu celiyo lacagtii gargaarka dawladda ee adiga lagu siiyay.
  - b. Wixii IRS laga helo waxa loo qaybin sidatan:
    - (1) Marka hore, waxa lagu bixin taageerada wakhtigeedii la soo dhaafay ee la yeeshay mudadii aad qaadanaysay lacagta gargaarka dawladda iyo/ama mudadii ka horeysay intaanad qaadan lacagta gargaarka dawladda (haddii aad qaadatay gargaarka dawladda ka hor 1-dii Bishii Tobnaad 1997). Waxay DCS u haysan doontaa lacagaha si dawladda gobolka iyo federalka loogu celiyo lacagtii gargaarka dawladda ee adiga lagu siiyay.
    - (2) Marka labaad, waxa lagu bixin taageerada wakhtigeedii la soo dhaafay ee la yeeshay ka hor intaanad qaadan lacagta gargaarka dawladda (haddii aad qaadatay gargaarka dawladda wakhti ku aadan ama ka dambeeyay 1-dii Bishii Tobnaad 1997). Waxay DCS u haysan doontaa lacagaha si dawladda gobolka iyo federalka loogu celiyo lacagtii gargaarka dawladda ee adiga lagu siiyay.
    - (3) Marka saddexaad, waxa lagu bixin taageerada wakhigeedii la soo dhaafay ee aad yeelatay ka dib markii aad joojisay qaadashada lacagta gargaarka dawladda. Waad heli doontaa lacagaha.
4. Haddii dhawr qoys ay waalidka ilmo-ma-hayaha ah ku yeeshan taageero wakhtigeedii la soo dhaafay, DCS waxay si siman lacagta la soo ururiyay ugu kala qaybin doontaa qoysaska.

Haddii aad lacag taageero ah si khalad ah u heshay, inta badan waxa qasab kugu ah inaad lacagtaa dib u bixisid. Si loo soo ceshado lacagaha sida khaladka ah loo helay, DCS waxay qaadi kartaa talaabo lacag ka-jarid ah oo lagu sameeyo dakhligaaga ama mushaharkaaga ama waxay maalkaaga ku soo saari kartaa xayiraad. DCS waxay kuu soo diri doontaa ogeysiis ka hor intaan talaabooyinkaa la qaadin. Haddii aanad raali ka ahayn talaabooyinkayaga, waxa aad codsan kartaa dhageysi.

## WAXA LAGAA RABO INAAD SAMEYSID

Mar haddii aad weydiisatid DCS adeegyada fulinta taageerada, waa inaad:

1. DCS u soo dirtid dhamaan lacagaha aad si toos ah uga heshid waalidka ilmo-ma-hayaha ah. Waa in DCS ay ogtahay dhamaan lacagaha la bixiyay si ay kiiskaaga uga shaqeyso. Haddii aad heshay lacag ah taageero ka hor intaanad DCS weydiisan adeegyo, waa inaad DCS siisid liis aad ku cadeynaysid dhaman wixii lacag lagu siiyay. Marka aad DCS u soo sheegtid lacagaha aad sida tooska ah uga heshay waalidka ilmo-ma-hayaha ah, DCS waxay kuu soo diri doontaa jeeg gaar ah haddii aanad sameysan lacag-shubis toos ah.
2. Waa inaad DCS siisid ama ka caawisid sidii ay koobi uga heli lahayd dhamaan amarada taageerada ee loo xereeyay kiiskaaga.
3. Waa inaad DCS u soo sheegtid haddii aad bedeshid adresksaaga ama lambarka teleefonkaaga. DCS waxay warkaaga ugu baahan tahay si ay kuugu soo dirto lacagaha iyo si kiiskaaga ay kaala soo xidhiidho. DCS waxay ogeysiis yada kuugu soo diri kartaa boostada habka dirista safka hore.

4. Waa inaad DCS u soo sheegtid haddii aad qabsatid qareen (looyar) ama shirkad gaar ah oo kuu soo ururisa taageeradaada. Waa inaad DCS siisid magaca iyo adreeska qareenka ama shirkadda gaarka ah. Waa inaad DCS u sheegtid waxa uu qareenku ama shirkadda gaarka ahi ka shaqeyn doono.
  - a. Waxa dhici karta inaan DCS soo ururin karin lacagtaada taageerada ah mudada qareen ama shirkad gaar ahi isku dayayaan inay lacagta kuu soo ururiyaan.
  - b. Haddii aad qabsatid qareen si wax looga bedelo amarkaaga taageerada, waa in adiga ama qareenkaagu ogeysiis farta ka saaro waalidka ilmo-ma-hayaha ah iyo DCS.
5. Waa inaad DCS isla markiiba u soo sheegtid haddii aad dib isugu noqtaan waalidka ilmo-ma-hayaha ah ama haddii caruurta tagaan meel kale oo ay ku noolaadaan. Waa inaad DCS siisid war dheeraad ah marka lagu weydiisto.

### **OOJINTA ADEEGYADA DCS**

Haddii aad doonaysid in DCS ay joojiso bixinta adeego soo-ururin taageero oo buuxa, waa inaad taa si qoraal ah DCS ugu soo sheegtid. Haddii aad haysatid amar taageero oo qoraya in waalidka ilmo-ma-hayaha ahi lacagta taageerada ama masruufka ah ee u bixinayo soo mariyo WSSR, DCS waxay joojin doontaa adeegyada soo-ururinta buuxa, waxana ay kiiskaaga ku bedeli doontaa adeegyo lacag-bixin kaliya ah (payment services only), una sheegi doontaa waalida ilmo-ma-hayaha ah. Haddii amarkaaga taageeradu aanuu amraynin in lacag-bixintu soo marto WSSR, DCS way xidhi doontaa kiiskaaga.

Haddii adiga ama caruurtaadu ay ku noqdaan waalidka ilmo-ma-hayaha ah, DCS waxay joojin doontaa soo ururinta taageerada wakhtigeedu joogo. DCS way kuu soo sheegi doontaa wixii isbedel ah ee lagu sameeyo nooca adeegyada aad heli jirtay.

### **XEERARKA IYO SIYAASADDA SAAMEEYA TAAGEERADA ILMAHA**

Qaybahansan oo socda ee ka tirsan Xeerka la Naqtiimay ee Washington (Revised Code of Washington) (RCW) iyo Xeerka Maamulka Washington (Washington Administrative Code) (WAC) ayaa xukuma adeegyada ay DCS bixiso.

RCW 26.18	WAC 388-11
RCW 26.21	WAC 388-13
RCW 26.23	WAC 388-14
RCW 74.20	
RCW 74.20A	

Waxa dhici karta in xeerka xad-u-yeelista lagu dabaqo daynta taageerada ilmaha. Haddii lagu dabiqi karo, waalidka ilmo-ma-hayaha ahi waxa uu xeerka xad-u-yeelista u isticmaali karaa hab isdifaac ah oo leh inaan hadda laguba lahayn dhamaan ama qayb ka mid ah daynta taageerada ilmaha.

### **WICITAANADA TELEEFONADA**

Soo wac habka telefonka otomaatiga ah ee la yidhaahdo "KIDS" oo leh lambarka 1-800-442-5437 si aad u heshid war ku saabsan kiiskaaga. Fadlan isticmaal habkan intii suurogal ah. Haddii ay jirto arrin aan habka "KIDS" wax ka qaban karin, soo wac xafiiska DCS ee gacanta ku haya kiiskaaga. Xusuuso, wicitaanada telefonku waxay lumiyaaan wakhtigii lagu soo ururin lahaa lacagtaada. Yarenta tirada wicitaanadu waxay DCS u ogalaanaysaa inay kuugu adeegto si ka fiican sidii hore.

Haddii qasab ay kugu tahay inaad la soo xidhiidhid xafiiska DCS, isticmaal lambarada telefon ee ku taxan hoos. Fadlan lambarada ka kaca 800 u isticmaal kaliya marka aad meel fog naga soo wacaysid. Dadka ka xayiran hadalka ama maqalka, waxa loo hayaa adeegyada hadal/maqal laawaha (TTY/TDD).

Seattle:	(206) 341-7000	oyo 1-800-526-8658
Tacoma:	(253) 597-3700	oyo 1-800-345-9976
Everett:	(425) 438-4800	oyo 1-800-729-7580
Spokane:	(509) 363-5000	oyo 1-800-345-9982
Kennewick:	(509) 734-2000	oyo 1-800-345-9981
Vancouver:	(360) 696-6100	oyo 1-800-345-9984
Wenatchee:	(509) 886-6800	oyo 1-800-535-1113
Yakima:	(509) 249-6000	oyo 1-800-441-0859
Olympia:	(360) 664-6900	oyo 1-800-345-9964

Haddii aanad sameysan Lacag Wareejinta Elegtarooniga ah (Electronic Funds Transfer) oo aad doonaysidna in DCS ay lacagtaada taageerada si toos ah kuugu shubto xisaabtaada bangiga, soo wac 1-800-468-7422.

Qofna xagga shaqo-siinta, adeegyada, ama arrin khusaysa hawlaho barnaamijka, laguma sameyn karo takooris ku salaysan jinsi, midab, asal wadan, caqjido, diin, lab iyo dhedig, cimri, ama naafo. Warqadan waxa la heli karaa iyadoo qaab kale ah haddii la codsado.